



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆ
ԱՇԽԱՏԱԿԱԶՄԻ ՕՐԻՆԱԿԱՆՈՒԹՅԱՆ ՎԵՐԱՀՍԿՈՂՈՒԹՅԱՆ
ՏԵՍՉՈՒԹՅՈՒՆ**

0010 Երևան, Վ. Սարգսյան 3/8, հեռ. /010/ 59-41-41

ՈՐՈՇՈՒՄ

Վարչական տույժ նշանակելու մասին

30.09.2016թ.

ք.Երևան

ՀՀ ԱՆ աշխատակազմի օրինականության վերահսկողության տեսչության (այսուհետ՝ Տեսչություն) պետ Միքայել Մինասյանս՝ ուսումնասիրելով «Վեսթ իսթ դեվելոպմենթ» ներդրումային հիմնադրամի (գրանցման համար՝ 222.160.01279, (այսուհետ՝ Հիմնադրամ) տնօրեն Ալինա Ապիյանի կողմից Տեսչության պետի՝ վարչական տույժ «Նախագգուշացում» կիրառելու մասին որոշման պահանջը չկատարելու կապակցությամբ 13.09.2016թ.-ին հարուցված վարչական վարույթի նյութերը.

ՊԱՐԶԵՑԻ

Տեսչության պետի 20.05.2016թ.-ի որոշմամբ Հիմնադրամի տնօրեն Ալինա Ապիյանի նկատմամբ «Հիմնադրամների մասին» ՀՀ օրենքի 39-րդ հոդվածի պահանջները չկատարելու համար, համաձայն՝ Վարչական իրավախախտումների վերաբերյալ ՀՀ օրենսգրքի (այսուհետ՝ Օրենսգրք) 169¹⁸-րդ հոդվածի 1-ին պարբերության, նշանակվել է վարչական տույժ՝ «Նախագգուշացում»: Նույն որոշմամբ Հիմնադրամի տնօրեն Ալինա Ապիյանը նախագգուշացվել է նաև, որ վերջինս պարտավոր է որոշումն ստանալու օրվանից երեսուն օրվա ընթացքում ՀՀ արդարադատության նախարարի 2009թ. դեկտեմբերի 24-ի թիվ 319-Ն հրամանով սահմանված կարգով՝ Հիմնադրամի 2015թ. գործունեության մասին հաշվետվությունը հրապարակել ՀՀ հրապարակային ծանուցումների պաշտոնական ինտերնետային կայքում (այսուհետ՝ www.azdarar.am կայք) և այդ մասին ծանուցել Տեսչությանը:

Տեսչության 20.05.2016թ.-ին վարչական տույժ «Նախագգուշացում» կիրառելու մասին որոշումը, Օրենսգրքի 283-րդ հոդվածով սահմանված կարգով, 23.05.2016թ.-ին ուղարկվել է Հիմնադրամի իրավաբանական հասցեով (ՀՀ, ք. Երևան, Ազատության 1/18, թիվ 10 տ.), սակայն 27.06.2016թ.ին նամակը հետ է վերադարձել՝ «տեղափոխված» գրառմամբ:

Օրենսգրքի 283-րդ հոդվածի 4-րդ պարբերության համաձայն՝ «Եթե անձի (որին ուղարկվել է որոշումը) հայրնաժ հասցեով ուղարկված որոշումը վերադարձվել է, կամ ծանուցման փաստը չի հաստատվել, կամ հասցեատերը հրաժարվել է ստանալ պատշաճ կարգով ուղարկված (հանձնվող) որոշումը և ստորագրել հրաժարվելու մասին, ապա



որոշումն ուղարկվում է այդ անձի հաշվառման հասցեով (եթե անձի հայտնած հասցեն պարբերվում է նրա հաշվառման հասցեից) և տեղադրվում Հայաստանի Հանրապետության հրապարակային ծանուցումների պաշտոնական ինտերնետային կայքում: Այն դեպքերում, երբ որոշումն ուղարկվում է անձի հաշվառման հասցեով և տեղադրվում Հայաստանի Հանրապետության հրապարակային ծանուցումների պաշտոնական ինտերնետային կայքում, որոշումը համարվում է հանձնված (պատշաճ ծանուցված) որոշումն ինտերնետային կայքում տեղադրելու օրվան հաջորդող երրորդ օրը»:

Նշված նորմից ելնելով՝ Տեսչության պետի 20.05.2016թ.-ին վարչական տույժ «Նախազգուշացում» կիրառելու մասին որոշումը 04.08.2016թ.-ին ուղարկվել է Հիմնադրամի տնօրենի հաշվառման հասցեով, իսկ 05.08.2016թ.-ին տեղադրվել է www.azdarar.am Կայքում: Սակայն հրապարակման օրվանից հաշվարկված երեսուն օրվա ընթացքում Հիմնադրամի Հաշվետվությունն օրենքով սահմանված կարգով և ժամկետներում չի հրապարակվել www.azdarar.am Կայքում, ինչը առաջացնում է վարչական պատասխանատվություն Օրենսգրքի 169¹⁸-րդ հոդվածի 2-րդ պարբերությամբ:

Տեսչության պետի կողմից հարուցված վարչական վարույթի շրջանակներում Օրենսգրքի 255-րդ հոդվածով նախատեսված վարչական իրավախախտում կատարելու մասին արձանագրություն կազմելու նպատակով Հիմնադրամի տնօրեն Ալինա Ապիյանը հրավիրվել է Տեսչություն: Նշվածի վերաբերյալ Օրենսգրքի 283-րդ հոդվածի 4-րդ պարբերությամբ 14.09.2016թ.-ին ուղարկվել է վերջինիս հաշվառման հասցեին և տեղադրվել է www.azdarar.am Կայքում, սակայն գործի քննության ժամանակի և վայրի մասին ծանուցված լինելով, Ալինա Ապիյանը չի ներկայացել լուծմներին:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 169¹⁸-րդ հոդվածի 2-րդ պարբերությամբ, 223¹-ին հոդվածով և 282-րդ հոդվածի 1-ին մասով.

ՈՐՈՇԵՑԻ

1. «Վեսթ իսթ դեվելոպմենթ» ներդրումային հիմնադրամի տնօրեն Ալինա Ապիյանի (անձնագիր՝ AM0229954, հասցե՝ ք. Երևան, Երկաթուղային 3 փ., 7 տ.) նկատմամբ նշանակել վարչական տուգանք՝ 50.000 ՀՀ դրամի չափով:

2. «Վեսթ իսթ դեվելոպմենթ» ներդրումային հիմնադրամի տնօրեն Ալինա Ապիյանին նախազգուշացնել որոշումն ստանալու օրվանից **երեսուն օրվա** ընթացքում հիմնադրամի 2015թ. գործունեության մասին հաշվետվությունը հրապարակել www.azdarar.am Կայքում և արդյունքների մասին ծանուցել Տեսչությանը՝ կից ներկայացնելով վարչական տույժի՝ ՀՀ պետական բյուջե (հաշվեհամար՝ 900005242111) վճարված լինելու հանգամանքը հիմնավորող փաստաթուղթը կամ դրա պատճենը:

3. Սույն որոշումն ուժի մեջ է մտնում վարույթի մասնակցին այն հանձնելուն հաջորդող օրվանից և կարող է բողոքարկվել վերադատության կարգով ՀՀ արդարադատության նախարարին երեսունօրյա ժամկետում կամ օրենքով սահմանված կարգով և ժամկետում ՀՀ վարչական դատարան:

ՏԵՍՉՈՒԹՅԱՆ ՊԵՏ՝

ՄԻՔԱՅԵԼ ՄԻՆԱՍՅԱՆ

